



Centro Nacional Chega!.P

Da Memória à Esperança



KOMUNIKADU IMPRENSA

Centro Chega!.P Organiza Feira Livru Iha Ámbitu Komemorasaun Masakre 17 Abril 1999 "Rezidencia Manuel Carascalão", Ba Dala-27.

(Dili, 17 Abril 2026) - Centro Nacional Chega!.P organiza **Feira Livru iha Ámbitu Komemorasaun Masakre 17 Abril 1999 "Rezidencia Manuel Carascalão"**, ba dala-27, ne'ebé hala'o iha Fundasaun Oriente, Dili.

Objetivu prinsipal husi atividade Feira Livru ne'e, atu promove kultura lee iha publiku liu-liu estudantes sira ne'ebé susar asesu livru. Promove no valoriza matenek Timoroan sira nian. Kriasaun espasu ba dialogu no diskusaun. Kriasaun espasu ba comunidade sira atu asesu ba livru. Promove kultura leitura iha comunidade no mos promove livru oin-oin kona-ba istória, direitus umanus, paz no rekonsilisaun iha comunidade.

Objetivu seluk mak, atu promove koleasaun livru mak Biblioteka Chega! iha no mos atu estimula kultura lee entre foinsa'e sira no aprende istória Timor-Leste. Alende ne'e, Feira Livru mos atu hametin kooperasaun entre biblioteka sira iha Dili liu husi realizasaun atividade sira hamutuk nu'udar opsaun ba publiku kona-ba referesia livru sira maibé mos dalan ida atu biblioteka sira kompleta ninia koleasaun sira.

Feira Livru ne'e hala'o lora ida (1) iha lora Sexta-feira, ne'ebé kompleta ho atividade hanesan Ezibisaun Livru, Diskusaun Livru, Diskusaun Tematiku, Story Telling, Chega! Tour, Sobrevivente sira konta istória kona-ba masakre 17 Abril 1999 no mos karii aifunan ba iha fatin bee posu ne'ebé milisia sira uluk oho no soe ba iha laran.

Feira Livru hola parte iha atividade Centro Chega!.P liu husi Divizaun Edukasaun no Formasaun (DEF) iha atividade Jestaun Biblioteka ho nia knaar prinsipal ida mak atu promove Biblioteka Centro Chega!.P nu'udar sentru sabedoria ida ne'ebé asesível ba ema hotu liu-liu foinsa'e ka estudante hodi hatene kona-ba istória no memória pasadu Timoroan nian ne'ebé mak prezerva iha Centro Chega!.P.

Entertantu, atividade hirak ne'e hala'o hodi hatan ba mandatu Centro Chega!.P nian ho baze ba dekretu lei Nu. 48/2016 katak kontinua hala'o nafatin ba servisu sira ne'ebé Comissão de Acolhimento, Verdade e Reconciliação (CAVR) no Comissão Verdade e Amizade (CVA) hala'o tiha ona. Vizaun mak prezerva memória pasadu nian nu'udar lisaun ba Povu Timor-Leste no umanidade tomak hodi hetan dame. Misaun mak hari'i sentru póz-konfliktu ne'ebé prezerva memória pasadu nian hodi promove direitu no

valor umanu; Hari'i parseria nasional no internasional hodi reforsa rede servisu sira atu implementa rekomendasau CAVR no CVA ne'ebé relevante.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasaduanian, moris iha dame, no respeito ba direitus umanu". Nia misaun mak: "Harii sentru Pós-konflitu ne'ebé prezerva memória pasaduanian hodi promove direitus no valór umanu, harii parseria nasional no internasional hodi reforsa rede servisu sira ba implementasaun rekomendasau sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!